



N 2/30
21/01/2020

2-30-4-202001211626



ივანე ჯავახიშვილის სახელობის თბილისის სახელმწიფო უნივერსიტეტის სოციალურ და პოლიტიკურ მეცნიერებათა ფაკულტეტის

დეკანის ბრძანება

ივანე ჯავახიშვილის სახელობის თბილისის სახელმწიფო უნივერსიტეტის სოციალურ და პოლიტიკურ მეცნიერებათა ფაკულტეტზე „მიზნობრივი სამეცნიერო-კვლევითი პროექტების“ განხორციელების შესახებ

ივანე ჯავახიშვილის სახელობის თბილისის სახელმწიფო უნივერსიტეტის სოციალურ და პოლიტიკურ მეცნიერებათა ფაკულტეტის 2020 წლის ბიუჯეტის მუხლი - 2.2-ის საფუძველზე

ვბრძანებ

1. ჩატარდეს „მიზნობრივი სამეცნიერო-კვლევითი პროექტების“ კონკურსი;
2. „მიზნობრივი სამეცნიერო-კვლევითი პროექტების“ განსახორციელებლად ფაკულტეტის 2020 წლის ბიუჯეტიდან გამოიყოს 50 000 ლარი;
3. კონკურსში მონაწილეობის მსურველებმა საპროექტო წინადადება უნდა წარმოადგინონ თანდართული მოთხოვნის მიხედვით (იხ. დანართი);
4. საკონკურსო პროექტების ბმულზე ატვირთვის ვადა - ა.წ. 27 თებერვლის 17:00 სთ-მდე; საკონკურსო პროექტები უნდა აიტვირთოს ბმულზე https://www.tsu.ge/ge/faculties/social/books/iv5pzb1oe4ukrny_-/zbhly8sltj3bpsk2b//
5. საკონკურსო საბუთები დასრულებული პროექტის ანგარიში (ტექნიკური და ანალიტიკური) ბეჭდური და ელექტრონული ფორმით წარმოდგენილ უნდა იქნეს ფაკულტეტის სამეცნიერო კვლევებისა და განვითარების სამსახურში, VI კორპუსი, N406;
6. გამარჯვებული პროექტები გამოცხადდეს 12 მარტს;

7. პროექტის მაქსიმალური ხანგრძლივობა 8 თვე (2020 წლის 15 მარტიდან 1 ნოემბრამდე);

8. პროექტის ღირებულება არ უნდა აღემატებოდეს 15 000 ლარს;

9. პროექტის მონაწილეთა ანაზღაურება განხორციელდება ეტაპობრივად პროექტის ხელმძღვანელის მიერ პროექტის ფარგლებში შესრულებული სამუშაოს ანგარიშის წარმოდგენის შემდგომ;

10. დაფინანსებული სამეცნიერო-კვლევითი პროექტის მართვას ახორციელებს პროექტის ხელმძღვანელი, რომელიც ასევე პასუხისმგებელია და საბიუჯეტო თანხების მიზნობრივ ხარჯვაზე;

11. პროექტის დასრულებიდან 12 თვის განმავლობაში პროექტის მონაწილეებმა უნდა უზრუნველყონ საერთაშორისო რეცენზირებად ჟურნალში სამეცნიერო პუბლიკაციის წარდგენა;

12. პროექტების შერჩევას, გამარჯვებული სამეცნიერო-კვლევითი პროექტის მიმდინარეობასა და შედეგების მონიტორინგს ახორციელებს დეკანის ბრძანებით შექმნილი საკონკურსო კომისია შემდეგი შემადგენლობით:

1. თეონა მატარაძე - კომისიის თავმჯდომარე, ასოცირებული პროფესორი, დეკანის მოადგილე სამეცნიერო დარგში;
2. მანანა შამილიშვილი - კომისიის მდივანი, ასოცირებული პროფესორი, ჟურნალისტიკისა და მასობრივი კომუნიკაციის მიმართულება;
3. ვალერიან მელიქიძე - ასოცირებული პროფესორი, დეკანის მოადგილე სასწავლო დარგში;
4. იაგო კაჭკაჭიშვილი - პროფესორი, სოციოლოგიისა და სოციალური მუშაობის მიმართულების ხელმძღვანელი;
5. ზურაბ დავითაშვილი - პროფესორი, საერთაშორისო ურთიერთობების მიმართულების ხელმძღვანელი;
6. კორნელი კაკაჩია - პროფესორი, პოლიტიკის მეცნიერების მიმართულება;
7. თეა ვახანია - ფაკულტეტის ფინანსური კონსულტანტი

13. ფაკულტეტის სამეცნიერო კვლევებისა და განვითარების სამსახურმა უზრუნველყოს დაინტერესებულ პირთათვის ბრძანების გაცნობა და თვალსაჩინო ადგილზე განთავსება;

14. ბრძანება ძალაშია გამოცემისთანავე.

თამარ დოღბაია



დეკანი

ადმინისტრაცია

მიზნობრივი სამეცნიერო-კვლევითი პროექტი

მოთხოვნა საპროექტო წინადადების წარდგენის შესახებ

1. კონკურსის პირობები:

1. პროექტის თემატიკა უნდა შეესაბამებოდეს ფაკულტეტის ძირითად სასწავლო მიმართულებებს.
2. პროექტში მონაწილეობა შეუძლია მხოლოდ ფაკულტეტის აკადემიურ პერსონალსა და სტუდენტებს.
3. კონკურსში განაცხადის შემოტანის უფლება აქვს სოციალურ და პოლიტიკურ მეცნიერებათა ფაკულტეტის პროფესორს, ასოცირებულ ან/და დოქტორის ხარისხის მქონე ასისტენტ-პროფესორს.
4. სავალდებულოა პროექტში ფაკულტეტის არანაკლებ 2 სტუდენტის ჩართვა. პროექტის მონაწილე სტუდენტი შეიძლება იყოს აქტიური სტატუსის მქონე ბაკალავრიატის საგანმანათლებლო საფეხურის არანაკლებ 150 კრედიტისა და არანაკლებ 3.0 GPA-ის რეიტინგის მქონე სტუდენტი, ან/და მაგისტრატურისა, ან/და დოქტორანტურის საგანმანათლებლო საფეხურის სტუდენტი.
5. საპროექტო წინადადებები, რომლებიც არ იქნება წარმოდგენილი დამტკიცებული მოთხოვნების შესაბამისად, ან შეიცავს არასწორ ინფორმაციას, კომისიის მიერ არ განიხილება.

2. სამეცნიერო-კვლევითი პროექტის აღწერა:

პროექტი უნდა იყოს მომზადებული შემდეგი კრიტერიუმების მიხედვით:

2.1. თავფურცელი: თავფურცელი უნდა იყოს შევსებული საპროექტო წინადადების ფორმა #1-ის მიხედვით და უნდა შეიცავდეს სამეცნიერო-კვლევითი პროექტის სახელწოდებას ქართულ და ინგლისურ ენებზე, პროექტის აბსტრაქტს (მაქსიმუმ 100 სიტყვა), პროექტის ხელმძღვანელის სახელსა და გვარს, მის აკადემიურ სტატუსსა და პროექტის ბიუჯეტს.

2.2. პროექტის შინაარსობრივი ნაწილი (ფორმა #2) უნდა შედგებოდეს შემდეგი კომპონენტებისაგან:

2.2.1. პრობლემის დასმა (არსებული სიტუაციის ანალიზი) (300-600 სიტყვა): უნდა დასაბუთდეს საკვლევი პრობლემის აქტუალობა და სამეცნიერო ღირებულება საკვლევ საკითხთან დაკავშირებული მიღწევების გათვალისწინებით.

2.2.2. მიზანი და მოსალოდნელი შედეგები (300-600 სიტყვა): უნდა გამოიკვეთოს რა მოსალოდნელი შედეგ(ებ)ი ექნება პროექტს სამეცნიერო დისკუსიის წამოწყების, ან განვითარებისათვის, სასწავლო მასალის და სასწავლო პროცესის გამდიდრებისათვის, ან ზოგადად საზოგადოებაში საკვლევი თემის აქტუალიზაციისათვის. პროექტს უნდა დაერთოს სავარაუდო უურნალო ჩამონათვალი, სადაც ჯგუფი პუბლიკაციის გამოქვეყნებას გეგმავს.

2.2.3 განხორციელების გზები (600-1200 სიტყვა):

ა) მეთოდოლოგია: უნდა აღინეროს სამეცნიერო კვლევის მეთოდოლოგიური მიდგომები და გამოყენებული მეთოდები;

ბ) აქტივობები: უნდა აღინეროს კონკრეტულად რა სამუშაოები/აქტივობები განხორციელდება პროექტის მიზნ(ებ)ის მისაღწევად და მიეთითოს შემსრულებელი პირის/პირების ვინაობა, რომელთა კომპეტენციები უნდა შეესაბამებოდეს მათ მიერ განსახორციელებელ აქტივობებს.

2.3 პერსონალი (ფორმა #3): უნდა მიეთითოს პროექტში ჩართული პირების პოზიცია ფაკულტეტსა და პროექტში. პროექტს უნდა ჰყავდეს ხელმძღვანელი (ფაკულტეტის პროფესორი, ასოცირებული ან/და დოქტორის ხარისხის მქონე ასისტენტ-პროფესორი), რომელიც იქნება პასუხისმგებელი პროექტის როგორც ფინანსური, ასევე პროგრამული ანგარიშების მომზადებასა და მიმდინარეობაზე.

2.4. პროექტის ბიუჯეტი (ფორმა #4): პროექტის ბიუჯეტი არ უნდა აღემატებოდეს 15.000 ლარს. პროექტში ჩართულ პროფესორთა შრომის ჯამური ანაზღაურება არ უნდა აღემატებოდეს პროექტის ბიუჯეტის 40%-ს. პროექტის ფარგლებში სავსე სამუშაოები ფინანსდება მხოლოდ ქვეყნის შიგნით. მივლინება არ ფინანსდება საქართველოს ფარგლებს გარეთ. არ ფინანსდება საოფისე ტექნიკის, საკანცელარიო ნივთებისა და წიგნების შესყიდვა.

2.5. **სამუშაო გეგმა (ფორმა #5)** წარმოდგენილი უნდა იყოს თვეების მიხედვით. უნდა აისახოს ყოველი თვის განმავლობაში განსახორციელებელი სამუშაოები/აქტივობები.

2.6. **ტექნიკური დიზაინი:** საპროექტო წინადადება უნდა იყოს წარმოდგენილი შრიფტით Sylfaen, ზომა 11, 1.5 ინტერვალი, ველი სტანდარტული (1 პუნქტი, ანუ 2.54 სმ. ზემოთ, ქვემოთ, მარჯვნივ და მარცხნივ).

2.7. დანართები:

1. მონაწილეთა რეზიუმეები;
2. ცნობა სტუდენტის სტატუსის შესახებ; ბაკალავრიატის სასწავლო საფეხურზე მყოფი სტუდენტისათვის ცნობა სტატუსის, GPA-სა და კრედიტების რაოდენობის შესახებ;
3. ბიბლიოგრაფია (APA სტილი);
4. სხვა/დამატებითი ინფორმაცია პროექტის ხელმძღვანელის შეხედულებისამებრ (არააუცილებელი კომპონენტი).

3. სამეცნიერო-კვლევითი პროექტის შეფასების პროცედურები, კრიტერიუმები და ვადები:

სამეცნიერო-კვლევითი პროექტები შეფასდება შემდეგი კრიტერიუმებით:

#	კრიტერიუმი:	კრიტერიუმის წონა
1.	საკვლევი თემის აქტუალობა	10%
2.	სამეცნიერო-კვლევითი პროექტის მეცნიერული ღირებულება და ინოვაცია	25%
3.	ბიუჯეტი	20%
4.	მეთოდოლოგია	25%
5.	აქტივობები, მათი განმახორციელებელი პერსონალის კომპეტენციის გათვალისწინებით	20%
	ჯამი:	100%

4. საპროექტო წინადადების წარდგენა

მიზნობრივი სამეცნიერო-კვლევითი პროექტის ფარგლებში კონკურსში მონაწილეობის მსურველებმა უნდა ატვირთონ განცხადება დეკანის სახელზე და საპროექტო წინადადება შესაბამის ბმულზე

https://www.tsu.ge/ge/faculties/social/books/iv5pzb1oe4ukrny_-/zbhly8sltj3bpsk2b//

შენიშვნა: კონსულტაციისათვის მიმართეთ ფაკულტეტის სამეცნიერო კვლევებისა და განვითარების სამსახურს პროექტის გამოცხადებიდან ყოველ ხუთშაბათს, 11 - 13 სთ. თსუ VI კორპუსი, ოთახი #406; ტელ: 2 23 00 53 ელ-ფოსტა: socpol.science@tsu.ge.

საპროექტო წინადადების ელექტრონული ვერსია და შესავსები ფორმები იხილეთ ფაკულტეტის ვებ-გვერდზე: <http://www.tsu.edu.ge/ge/faculties/social/>

ფორმა #1

საპროექტო წინადადების წარდგენა – განცხადება დეკანის სახელზე

პროექტის სახელწოდება (ქართულად):

პროექტის სახელწოდება (ინგლისურად):

პროექტის ხელმძღვანელი (სახელი გვარი, აკადემიური სტატუსი)

პროექტის აბსტრაქტი (მაქსიმუმ 100 სიტყვა)

პროექტის ბიუჯეტი: ----- (ლარი)

ბიუჯეტის ფორმა

	ხარჯის კატეგორია	ერთეულის ფასი	ერთეულის სახეობა	ერთეულის რაოდენობა	ერთეულის ჯამური ღირებულება
1	პერსონალის შრომის ანაზღაურება				0.00
1.1	პროფესორის შრომის ანაზღაურება (40%)				0.00
1.1.1					0.00
1.1.2					0.00
1.2	პროექტის სხვა მონაწილეების ანაზღაურება (პუბლიკაციის თარგმნა და რედაქტირება)				0.00
1.2.1					0.00
1.2.2					0.00
1.2.3					0.00
1.2.4					0.00
1.2.5					0.00
2	მივლინება				0.00
2.1	მივლინება ქვეყნის შიგნით				0.00
2.1.1	მგზავრობის ხარჯი				0.00
2.1.2	მივლინების დღიური ნორმისა და საცხოვრებელი ხარჯი				0.00
3	საქონელი და მომსახურება				0.00
3.1	სასტამბო მომსახურების ხარჯები				0.00
3.2	ინფორმაციის შესყიდვა (სტატისტიკური და ა.შ)				0.00
3.3	დარბაზის იჯარა				0.00
ბიუჯეტი პროფესორის ხელფასის გარეშე					0.00
ბიუჯეტის ჯამი					0.00

პროექტის სამუშაო გეგმა

#	აქტივობის ტიპი	განმახორციელებელი პირები	I თვე	II თვე	III თვე	IV თვე	V თვე	VI თვე	VII თვე
1.									
2.									
3.									
4.									
5.									
6.									